



Inatsisartuni ilaasortaq
Andreas Uldum (Demokraatit)

Apeqqummut; Naalakkersuisut qanoq iliorpat inerteqqutaasumik kopiilianik nioqqutissiorluni avataaniit eqqussuineq niuernerlu pitsaaliorniarlugu, akissut.

Inatsisartut suleriaasianni § 36, imm. 1 naapertorlugu apeqquteqarputit Naalakkersuisut qanoq iliornerlut inerteqqutaasumik kopiilianik nioqqutissiorluni avataaniit eqqussuineq niuernerlu pitsaaliorniarlugu.

Dato: 23.02.2010
Postboks 1601
3900 Nuuk
Oq/tel +299 34 50 00
Fax +299 32 56 00
isiin@gh.gl
www.nanoq.gl

Siullermik qutsaviginiarpakkit apeqquteqaateqarmerit pillugu. Aamma nunatsinni isumassarsiorsinnaassuseqartunik tamatigoortunillu innuttaqarpugut ilungersorlutik sulilluarnermikkut pilersitsisinnaassuseqartunik inuussutigisinnaasaminnik, ilaatigut tassani eqqarsaatigaakka atisaliordermi ilusilersuisartortagut. Taamaasilluni nunarsuarmioqatigiinniinnaangilaq inerteqqutaasumik kopiilianik nioqqutissiornerup inuiaqatigiit aningaasarsiornerannut pitsaanngitsumik sunniuteqartarnera, aammali uagut nunatsinni inuiaqatigiit aningaasarsiorneranni pissutsit taamaattut pitsaanngitsumik sunniuteqarsinnaapput.

Inuussutissarsiornermut Aatsitassanullu Naalakkersuisup nioqqutissiat nalunaaqutsersorneqartarnerannut inatsit naapertorlugu pisinnaatitaaffiit, ilusilersuisarnermut inatsisip, piginneqqaartuunerlut inatsisip aamma atortussiornermut inatsip illersorneqarnerata inatsisiliornikkut suliassartai oqartussaaffigai. Piginnittussaataitanerlut inatsit Kulturimut, Ilinniartitaanerlut, Ilimatusarnerlut aamma Ilageeqarnerlut Naalakkersuisup suliassaqarfianiippoq.

Inatsisiliorderulli Naalakkersuisut suliassaqarfimmul tunngatillugu tamaallaat inatsisiliortutut periarfissaqartippai, naak inerteqqutaasumik kopiilianik nioqqutissiorneq pinerlunnerugaluartoq.

Inerteqqutaasumik kopiilianik nioqqutissiornerup pinerlunnertut isigineqarnera pinerluttulerinerlut inatsisip § 63-ianik tunngaveqarpoq, pinerlunnerulli imarisaa nammineq nioqqutissiat nalunaarsorneqartarnerannut inatsimmik, ilusilersuisarnerlut inatsimmik, piginneqqaartuunerlut inatsimmik,

atortussiornermut inatsimmik piginnittussaataitanermullu inatsimmik tunngaveqarluni.

Inuussutissarsiornermut Naalackersuisoqarfiup naatsorsuutigaa piginneqqaartuunermut aamma nioqputissiat nalunaaqutsersorneqartarnerannut peqqussutsit ullutsinnut malinnaatitsisumik nutarterneqarnissaannut aammalu ilusilersuisarneq pillugu inatsisip aammalu atortussiornermut inatsisip peqqussusiornissaat upernaakkut ataatsimiinnissami siunnersuutitut saqqummiunneqarnissaat.

Akilerartarnermut Aqutsisoqarfik Nioqputissanik eqqussuineq annissuinerlu pillugit Inatsisartut inatsisaat nr. 18, 30. november 1992-imeersoq naapertorlugu pisinnaatitaavoq nakkutigissallugu nioqputissat Kalaallit Nunaannut eqqussorneqartut inerteqqutaasumik kopiiliatut suliaanersut. Akilerartarnermut Aqutsisoqarfiup misissuisarnermini paasissaguniuk nioqputissat inerteqqutaasumik kopiiliaasut, taava akuleruttussaavoq nioqputissiallu arsaarinnissutigalugit, il.il.

Politiit aammattaaq Akilerartarnermut Aqutsisoqarfillu isumaqatigiissutaasut naapertorlugit pisinnaatitaapput Akilerartarnermut Aqutsisoqarfiup nakkutillissussaataitaneramik ingerlatsisarnissamut, nioqputissanik eqqussuinerlut annissuinerullu inatsisip §§-ii 28-32 naapertorlugit.

Politiit inuit nunatsinniit aallarartut nunatsinnullu tikittut misissuiffiginissaannut periarfissaqarput, pissutissaqartumik pineqartoq pasineqarsimappat inatsisunik unioqputitsisoq, pisortanit uparuarneqartariaqartumik, aammalu akulerunneq suliap misissuiffigineqarneranut pingaaruteqartumik pissutissaqartinneqarpat.

Paasissutissanik piviusunik takussutissaqarpat, ilimanarsisitsisunik pineqartoq inatsimmik unioqputitsisoq imaluunniit unioqputitsinikuusimasoq, tassungalu atatillugu nammineq inuttamini tigussaasunik tigungmiaqarluni pinerlunnerup paasineqarnissaanut pingaaruteqartunik, taava politiit inummik misissuisinnaatitaaput.

Nunarsuarmi susassareqatigiikkaluttuinnartumi, innuttaasut internettikkut sunilluunniit nunarsuup suatungaaniilluunniit piffigisinnaaligaanni kisianni suliasaq ajornarlunartuuvoq pinngitsoortissallugu inerteqqutaasumik kopiilianik nioqputeqarnermit Kalaallit Nunaannut eqqussisoqartarnissaa.

Kisiannili Naalackersuisut ajornartorsiut eqqumaffigivaat, ilisimatitsissutigisinnaallugulu assersuutigalugu assassorluni eqqumiitsuliat inerteqqutaasumik kopiiviniq nioqputissiortarnermi pissutsit. Assassorlutik eqqumiitsuliorlut namminneq akunnerminni kina qanoq ilusilinnik eqqumiitsuliorternersoq ilisimaaraat, (kiap iluseq qanoq ittoq kiap aqqani sanaarisarpaa), aammalu kissaatigineqarpoq isumannaassallugu pisisussap ilisimaarissagaa nioqputissiat maani nunatsinni sanaajusut taamaattut

nalunaarsorneqarnissaat, eqqumiitsuliat / nioqqutissiat taakkua kalaallinit suliaasut suliaasunit allaniit immikkoortinneqarsinnaaqullugit.

Nioqqutissianik nalunaaqutsersuisarneq [Arts & Craft/](#) Sassuma arnaa aaqqissuussineruvoq taamatut siunertaqartoq. Nalunaaqutsersuummut tatiginninneq nalunaaqutsersuutillu siammarterneqassusia, iluaqutaanera atorneqarneralu eqqarsaatigalugit pisariaqarpoq annertunerusumik misissuinissaq, - misissuinissaq aallarnisarneqalersoq upernaallu ingerlanerani naammassineqartussatut naatsorsuutigineqarluni.

Siuliani saqqummiussukkakka tunngavigalugit neriutigaara apeqqutigisatit matumuuna Naalackersuisut sinnerlugit akissuteqarfigalugit.

Inussiarnersumik inuulluaqqusillunga

Ove Karl Berthelsen
Inuussutissarsionermut Suliffeqarnermullu Naalackersuisoq